

畿

輔

安

瀾

志

畿輔安瀾志

榆河一卷

原委

附載

隄防

橋渡

修治

祠廟

水利

畿輔安瀾志

臣 王履泰恭纂

榆河一卷

原委

榆河一名溫榆河古濕餘水也亦曰西河

昌平山水記溫榆河卽昌平之榆河順義謂之西河金人名縣曰溫陽以此遼史作溫榆河本水經注之灤餘河也以字相似而訛 方輿紀要榆河

一名溫餘河蓋濕餘之譌也 〔春明夢餘錄榆河

卽古灑餘河又名濕餘河

〔謹案灑餘卽濕餘濕不當作灑考水經注濕水

出累頭山從縣澤水出東郡武陽縣從累澤水川右北平使靡縣從壘自是三水一入桑乾一入黃

河一人庚水亭無牽混說者乃謂濕水之濕本作灑省作灑又省作濕自北魏書改系從土又作灑

又以濕爲濟灑之灑說文作灑收曰爲田又省一系作灑而濕遂相沿爲燥溼之溼紛紛傳訛丁度

集韻遂不分灑灑濕直俱云水出雁門皆非也又魏書道武西如馬邑觀灑源自是濕水字誤作灑

亦非灑卽濕也

謹案濕餘之名見於水經法以其與灑水相近故

以名之自漢書地理志分註誤作溫餘遂爲沿誤
之始後漢書王霸傳可從濕水漕之文章懷太子
賢註卽以濕餘水實之此六朝迄唐以來無能辨
其非者昌平山水記方輿紀要據水經註証其訛
是也而日下舊聞云後漢書王霸爲上谷太守陳
委輸可從溫水漕以省陸運轉輸之勞事皆施行
章懷太子註引水經註本作溫餘水遼史順州有
溫渝河金史懷柔縣爲溫湯豈盡無據又昌平多

溫泉有流入雙塔河者溫餘之名竊疑因此水經注既無善本今人習見坊刻遂指溫字爲濕字之訛是又以溫爲是而以濕爲非也考濕水卽桑乾從盧師臺以上直抵宣府大同境以達於邊徼兩山夾水本有相通之路王霸之所謂溫水當是濕水然後代言漕運者往往議及而終久爲轉輸之坦途若溫餘河出入達嶺下近世所稱關溝者是也其中重巖複嶺峻峭阻絕水流甚微非五丁之

鑿不能開章懷以溫水爲溫餘本是誤註朱氏爲
之左袒何耶 又案遼史地理志中京大定府遼
建牙於此當饒樂水之南溫榆水之北此溫榆水
在舊開平衛南卽土河也其水自馬孟山發源東
南流至朶顏衛之木葉山合於潢水蓋異地而同
名矣然於濕餘水無與焉自金人改所義爲溫陽
遂無有知濕餘之一名者明嘉靖實錄又謂之溫
泥河未知何據

源出昌平州西北岔道口八達嶺下元人所謂居庸北口是也其山統名之曰軍都山亦曰居庸山

漢書地理志上谷郡軍都溫餘水東至路南入沽

〔水經〕濕餘水出上谷居庸關東鄭注關在沮湯

城東南六十里居庸界故關名矣其水導源關山

厯山南逕軍都縣界又謂之軍都關續漢書地理尚

書盧植隱上谷軍都山也〔芳輿紀要〕八達嶺在

延慶州南三十里東南去居庸上關廿七里岔道

曰在州南二十里八達嶺爲居庸之噪吭岔道又
八達之籓籬也

南流三里逕青龍橋則有澗河又南流五里逕三鋪
村又南流七里逕彈琴峽

方輿紀要澗河在延慶州南三十里源出八達嶺
嶺東西四里有奇有青龍橋澗河經其下東南流
入居庸關 吳之俊獅山掌錄居庸關有彈琴峽
水流石罅聲若調琴 昌平山水記上關七里至

彈琴峽北有佛閣又七里爲青龍橋道東有小堡
二統志彈琴峽在昌平州西北居庸關內

謹案宣府鎮志分水嶺在延慶州有二一在城南
四十里一在城北三十里延慶衛新志北沙湖距
衛五十五里此水今名二道河自州南荒陂梁山
麓出泉南流逕二道河堡西又南流逕莊窠堡東
與泉平州接入白龍淵蓋延慶州與昌平州之水
分嶺於此乃州南三十里之嶺也

又南流七里逕上關城東卽古居庸關塞也

呂覽何謂九塞大汾冥阨荆阨方城殺井陘會疵
句注居庸 昌平山水記自南口而上兩山之間

一水流焉而道出其上十五里爲關城於水築之
有南北二門 張燧經世挈要居庸關於南北而

夾兩山水旁崖流徐中山壘石爲城作京師北門
延慶衛舊志明大將軍徐達卽古居庸關舊址

壘石爲城卽今上關 新志

本朝康熙五十四年山水陡發西崖巨石冲坍而下北
門杜塞行旅不通

欽差內務府督石工鑿之乾隆十年衛守備李士宣修治得
成坦途 一統志居庸關在順天府北一百六十
里濫餘河自居庸關南流

又南流五里逕延慶衛城南

延慶衛志鎮龍衛卽今青龍橋元世建衛於此明
景泰初度關南八里許長坡店創城垣兩面依山

東山之下開水門二道以資山水宣洩之路

謹案衛元名隆鎮明初改隆慶穆宗隆慶初又改延慶今志作鎮龍誤也衛今并入延慶州

又南流五里逕飲馬泉又南流三里逕腰店村又南流三里逕臭泥坑又南流三里逕南口城東

續宣鎮志居庸南口關夾澗而城 方輿紀要關之南口亦曰下口北齊書譌爲夏口 延慶衛志

南口城衛南十五里

又南流出口逕龍虎臺南而

〔水經注〕上谷軍都山其水南流出關謂之下口水
流潛伏十許里〔昌平山水記〕水出居庸關爲濕
餘河至舊縣之西而伏又南復出亦謂之榆河今
涸〔方輿紀要〕南口而東六里有龍虎臺與積粟
山相對榆河源出軍都山至舊縣西而伏

〔謹案〕榆河出南口而伏昌平山水記方輿紀要與
水經注合今之水道可証乃紀要又云沙河在順

天府北六十里卽榆河也志云源出居庸關至昌
平舊縣西而決此絕要詳志以明卽榆河之伏流
非謂沙河有伏流也特榆河下以爲至舊縣西而
伏沙河下又以爲至舊縣南而伏今南口城直昌
平舊縣之西南水流逕龍虎臺而漸滲入沙中以
西爲南蓋傳抄之譌也

至昌平州西南舊縣村復出日月兒灣

永經注燕餘水故瀆東逕軍都縣故城南又東重

源濼發積而爲潭謂之濕餘潭

漢書太僕馬字記
目平縣本漢軍都

縣平括地志昌平故城在今縣東南六十里月兒

灣在州西南四十里

謹案月兒灣據酈
注當卽濕餘潭也

方輿紀

要濕餘河又南復出謂之榆河其發處爲月兒灣
今並流已涸

下流逕州西是爲沙河

昌平山水記榆河源出州西南四十里月兒灣下

流爲沙河一統志濕餘水逕居庸關南流逕昌平

平州西

分二支曰北沙河南沙河北沙河自州西四各莊東南流二十一里逕樓子莊南又東南流十一里出沙

河橋下有龍泉水

卽虎眼泉

自北來入之卽古幢幢水也

水經注濕餘潭又東流易荆水注之虎眼泉水出

平川東南流入易荆水 昌平山水記沙河店北

有水出昌平州西南四家莊逕雙塔村東流爲北

沙河 燕都遊覽志幢幢水如瀑布三四里至鵝

鶴巖隱而不見或謂舊縣西北虎眼泉是其復出

也一統志幢幢水在昌平西北虎峪山下流入

榆河

灌窠幢幢水亦作淙淙泉元人有題淙淙泉詩

畿輔通志虎眼泉

在昌平州西八里舊城下昌平州志虎眼泉在

州治西舊縣西北城下流至豐贍村入榆河

謹案虎眼泉今俗謂之龍眼泉發源舊縣村東南

谷流三十一里逕樓子莊東與四各莊水合方輿紀

要以爲一作馬眼泉考通志及州志自有馬眼泉

在州西南二十里長安客話白浮龍潭水流逕白浮村元郭守徽引使西會馬眼等諸泉折而南流入潞河紀要引漕河考大通河出白浮村過雙塔榆河會一畝馬眼泉之文蓋疑長安客話之馬眼泉卽漕河考所謂虎眼泉也

又東南流逕鞏華城東北則有天壽山泉注之又有翠屏山泉百仙莊水龍王山泉水流合于沙坨村之東石橋下又東南流十里逕三岔口與南沙河會

明史地理志昌平州東南有鞏華城嘉靖十九年

築一方輿紀要鞏華城在昌平州東三十里其地

本名沙河店昌平山水記天壽山東西通黃花

鎮路口其水則一自老君堂東逕長陵前而西又

東至七空橋一自灰嶺口一自贊莊中冷而下泰

陵橋一自雞嶺口下康陵橋至泰陵橋南數十步

而合下定陵橋東至七空橋一自德勝口逕昭

陵橋東下七空橋總爲一流出東山口至鞏華城

東北入沙河沙河店南有水出昌平州西南五十里龍泉寺合西山諸泉流爲南沙河二水至店東南寶家莊而合 二統志天壽山在昌平州北十八里明諸帝陵寢皆在焉其間衆水環流自諸山口而入滙爲一出東山口入鞏華城東北之沙河翠屏山泉在昌平州西南十五里東南流入沙河畿輔通志龍王泉在昌平州五里龍泉山龍王祠下自東麓滴出石竇下流入澗餘河以永液泉

在州西北翠屏山下溫餘河今曰北沙河在昌黎
州南十八里至居庸關南流逕州西會翠屏山泉
而東南流又東至州東南三岔河會南沙河

謹案龍王山泉水自山南南流十里逕小寨村又
南流十里至沙河東石橋與百仙莊水谷百仙莊
河發源平地南流十二里逕沙坨村與龍王山泉
水合流十二里至沙河東石橋與四谷莊北沙橋
水合入於三岔口

南沙河西南自宛平縣黑龍潭發源東流一里入州境之太州務村北又東流四里逕屯尹村北又東流三里逕馬房村北又東流二里逕長樂村北有南沙澗之水合之卽古易荆水也亦名昌平河

永經注易荆水導源西北逕千蓼泉亦曰丁蓼水東南流逕郁山西又東左合虎眼泉又東南與孤山之水合又東逕昌平縣故城南又謂之昌平水魏氏土地記薊城東北一百四十里有昌平城西

有昌平河 永部備考昌平河運諸陵官軍餉也
隆慶六年十月勸遼總督劉應節順天巡撫楊兆
議於鞏華城外安濟橋起至通州渡口止疏通一
河長可一百四十五里內水深成槽覓可行舟者
一百餘里散漫淤淺稍費開通者三十餘里發永
犂二營並募靖軍夫三千人治之不數月河成
一統志南沙河在昌平州南卽古易荆水也

謹案黑龍潭在宛平縣西北畫眉山虎峪內其水

下流爲南沙河

一統志畫眉山在宛平縣北二十里山麓有黑龍潭又西有水虎峪

山黑龍潭在虎峪內

山石雜記金口山度嶺至

冷泉村道旁皆水田行二里許曰秦州務其後畫

眉山上有龍王祠龍湫圍廣十畝水從

石罅出復東坦下溢出間潺潺有聲

又南沙河

卽沙澗泉也其水下流入南沙河

昌平州志沙河泉源出州治西

南三十里泉

在古澗中

又東流八里逕大榆村小榆村南

謹案元史本紀英宗至治元年七月通州榆村水

決卽此昌平州志大榆河州城南二十三里小榆

河三十里

又東流八里出沙河南橋下又東流逕鞏華城南之
半壁店又流逕城東南三岔口與沙河合

昌平山水記沙河店南沙河有橋曰安濟北沙河
有橋曰朝宗二河至沙河店經竇家莊而合音昌
平州志沙河在州治南二十餘里沙河北店沙河
南店俱距州二十里半壁店距州三十六里

南北二沙河合流於三岔口又東流八里逕鄭家莊

北又東流八里逕馬家房又東流八里逕蘭溝村大
小湯山泉水龍泉寺水抱榆泉水絳州營河合流自
北來注之

元史列傳郭守敬言通州以南於蘭榆河口直開
引由蒙村跳梁務至楊村運河以避浮雞洶盤淺

風浪遠轉之患

謹案蘭榆河卽蘭溝村之榆河
浮雞洶卽浮雞泊詳見白河篇

謹案湯山河有大小二源合流七里至葫蘆村與

龍泉寺抱榆泉絳州營諸水會

畿輔通志湯峪河
在昌平州西亦名

湯峪川源出石縫山下東南流入雙塔河湯山在州東三十里下有溫泉湯峪山在州西北二十五里下有溫泉上有佛巖寺昌平州志源出石縫山下爲兩河入雙塔河石縫山在州西北二十里謹案方輿紀要云湯峪山在州西北二十五里湯山在州東南三十八里與昌平山水記湯山在州東南三十里數異耳元混一方輿勝覽聖湯一在昌平北二十五里一在昌平南二十五里湯山所謂北者卽西北所謂南者卽東南也一統志溫泉在昌平州有一一在湯山下一在州西南湯峪山下以西北爲西南當是字訛也此河所出爲大小湯山大湯山

卽湯峪山小湯山卽湯山在其東二山所出之水

皆溫泉合流入於雙塔河又新湯池在舊塘里許

有海子水益煥

本朝康熙五十年鑿又

行宮內有泉南流七里許亦入於葫蘆河 又窰龍泉

寺水發源一畝泉元雙塔河之上源也南流十五

里逕高屯村又東南流八里逕葫蘆村名葫蘆河

元史河渠志雙塔河源出昌平縣孟村一畝泉逕
雙塔店東至豐善村入榆河 一統志一畝泉在

昌平州西南十五里約徑一畝故名龍泉山州東
南五里山之嶺有龍王祠山之北麓有龍潭潭之

東有數泉清冽可濯禱雨輒應 昌平州志一畝
泉東會沙河逕湯山由高粱直趨張家灣以濟漕

河葫蘆河在州城東三十里羅塞雙塔河又有雙泉河入之昌平州志水源山州治西北阜峪山南流入之延慶衛新志東山下有兩泉如合抱榆乾隆五十四年山水大漲沙壅不可復識

泉河發源昌平州東北南流十九里逕東流村名

東流河

一統志抱榆泉在昌平州東四十里絳州昌平州志泉旁有古榆一株故名

營河在順義縣西南水有二源一出西北范各莊

東南逕梁各莊至板橋與逕東一支合長二十五

里其一支亦出西北逕寺兒上西屈逕絳州營西

西流逕鄭家莊又西流出板橋合流名西河亦謂

之榆河有南石槽三角店

昌平山水記溫餘河順義謂之西河順義縣西

北二十里有石槽三日東石槽南石槽北石槽元史燕帖木兒遣撤敦爲先驅以大軍繼其後至石槽敵軍方於掩其不備直搽之方輿紀要榆河在順義縣西南三十里自昌平大興流入縣境亦曰西河又名沙河經後店葦溝二村東至通州注於白河石若在順義縣西北二十里其地有三石槽分東南北三處三甲店并連口關東北二十里八里有三角城本名三角村徐達敗元兵於此

二河之中熱河

御路所經也卽水經注之芹城水矣

水經注濕餘水又東南左合芹城水

水出北山南逕芹城昌平山水記燕州西南至芹河五里芹城

里有橋橋下有水出芹城北南流入於沙河春
明夢餘錄芹城水在昌平州東北四十里流至蘭

溝入焉一統志芹城在昌平州東三十里芹城
水在昌平州東北四十里謹案順義縣志東南

隅珠浦莊前有寺寺前有河河流謂榆河
也正西路到家河距治四里亦匯水所積又西南

出境入昌平州南之高麗營名高麗營可畿輔通志

昌平州東四十五里接順義縣界一統志在昌平
平州東五十里源出州東龍泉寺泉分二流一入

順義縣名曰白浪河一南流名
高麗河又南流復合入溫餘河又東流三里逕官

莊村又西流六里至東流村與大小湯山泉龍泉

寺泉抱榆泉諸水合流而南又六里至蘭溝村入

於沙河其所經流僅微涓淺注而已計自沙河南
北橋東至沙子營長四十九里雖有河名亦不通
舟楫冬月水寬一丈二尺至五六丈深四五寸至
三四尺不等夏秋水發山水驟漲寬七八丈至三
四十丈深六七尺至丈餘上下通流無阻亦無水
患

又東流四里逕土溝村又東流八里逕南戚各莊又
東流一里逕沙子營村北又名沙子營河

畿輔通志昌平州東南五十里有沙子營接大興
縣界

謹案南北之沙河於昌平州東南卽入大興縣之
北境亦卽順義縣之西南界春明夢餘錄方輿紀
要一統志皆云經順義縣西南者蓋以河流三縣
之間以此分水其實至沙子營東南爲大興縣屬
畿輔通志所言是也昌平州志以爲南接宛平縣
界則又指清河之水自西北來會非沙河之正流

也

入大興縣界舊名孫侯河今日孫河

昌平山水記順義縣西南二十里有天柱村三十里榆河渡渡南有長城遺蹟齊長城天保中所築宋沈括曰幽州東北三十里有望京館東行少北十里餘出古長城又二十里至中頓又踰孫侯河行二十里至順州 春明夢餘錄望京館在順義縣城東北五十里孫侯村

又東流逕海青廟又東流六里與清河合流於燕丹
村之清河營南直德勝門

〔明統志〕清河源自昌平縣西南一畝泉經燕丹村

東南合榆河 〔昌平山水記〕德勝門出門八里爲

土城關又二十里爲清河其水山玉泉山分流而

北逕此又東會於沙河入於白河

謹案昌平山水記順義縣西二

十里有燕王冢或曰水經注所謂濕餘河在燕王陵南者也考水經注文是濕水又凍逕燕王陵南

非濕餘水也濕餘水所經爲燕丹村耳

謹案此河又有官河之一名方輿紀要官河在州西南二十里泉出一畝泉分爲二流一曰官河流入宛平縣入高粱河一曰雙塏河在州西南三十里經雙塏店入榆河昌平州志官河在州治西南一十里分爲二源一由官河流入宛平合高粱河一由雙塏河逕雙塏店入榆河據紀要是分一河而爲二據州志則一河分爲二流耳其實一也元志以雙塏河入至豐善村入榆河州志以虎眼泉

亦至豐善村入榆河考其方位似卽四各莊所出之一泉東流爲北沙河者也又一統志引州志南沙河在州南二十五里源出神頭嶺山考神頭嶺山卽神山也爲會通河發源元史河渠志會通河導清水上自昌平縣白浮村引神山泉西折南轉過雙塔榆河一畝玉泉諸水則似南沙河卽爲清河且卽爲白浮神山泉也又云雙塔河源出昌平縣孟村一畝泉雙塔榆河卽一畝泉也明統志昌平

平州志蔣一葵記方輿紀要皆以爲清河出一畝
泉則清河又卽一畝泉也又元史河渠志金水河
出玉泉山昌平山水記一統志皆以爲清河出玉
泉山則清河又卽金水河也昌平山水記州西南
三十里爲雙堦河東流過雙堦店入榆河出州東
神嶺山下爲神山泉出自浮山爲白浮泉雙堦榆
河之水今皆入於沙河意當日諸河導源各有所
自會流爲一於是循流溯源遂亦有互受通稱之

自耳病逸漫記云白浮水今入清河一畝泉在甕
山後已塞則所稱清河發源一畝泉者亦不可據
矣古今水道之變難以臆度也 又案水經注易
荆水又東南與孤山之水合水發川左導源孤山
東南流入易荆謂之塏界水疑雙塏河水卽塏界
水也然無確據

又東流三里逕雷家橋又東流逕安定門外繞

方澤壇南又東流九里逕黃港又東流一里逕新堡村又東

流八里逕孫侯屯又東流七里逕蕙溝村

昌平山水記溫餘河入順義縣界順義縣西南三十里有葦溝村東臨榆河渡

又東流五里逕小店村又東流一里逕金盞村又東流入通州境土俗名之曰富河

河防志富河源出順天府西襄山口由順義縣至通州北關外與白河會行水金盞富河昔稱榆河志云榆河源發昌平州月兒灣下流爲沙河經

順義縣與白河合 昌平州志榆河南接宛平縣
界東南合南沙河入通州界水三統志溫餘河俗
名富河

謹案通州志富河在州城北源出甕山自白羊口
經榆河下流爲沙河由順義縣南界流至州東北
與白河會其言與諸書異其所指殆卽清河來合
之水非南北二沙河之源

東南流逕寨籬村又東南流逕崗子村又東南流逕

富河村又東南流出西浮橋下入於白河

〔水經〕濕餘水又北屈東南至狐奴縣西入於沽河
酈注地理志曰濕餘水自軍都縣東至潞南入沽
是也 〔昌平山水記〕溫餘河下至通州入潞河

〔方輿紀要〕沙河下流入於白河 一統志溫餘河
又東南至通州東北八里入白河

謹案諸志所記是也春明夢餘錄云榆河經順義
縣境會白河以入潞則太早且會白河入潞是分

爲二矣潞卽白也又以黃花鎮川河自塞外流入
黃花鎮亦注焉考黃花鎮川河卽七渡河於懷柔
西南已入於白河不得於下流反入於榆也

附載

躡河

昌平州志在州城西南三十里

謹案此河無考疑卽高麗河之誤

兩水河

畿輔通志在昌平州西南亦曰蓮塘 昌平州志
在州治南三里因東西二水相滙故名

暖泉

畿輔通志在昌平州西有暖泉流出成河有灌溉
之利昌平州志在舊邑東北百步許明正統十
四年竭成化七年復出今又竭

百泉

春明夢餘錄在昌平州南四里平地湧出不計其
數中有三大泉濶徑丈許一曰源泉一曰黃泉一
曰響泉是也 畿輔通志源泉清深徹底黃泉流
沙悍漫響泉其聲如聞而寬廣不過丈許

大駝寨山泉

一統志在昌平州東四十五里桃林麻谷二村之北山崖陡峻而頂平少東有石洞十數如屋洞內有泉

平臺山泉

二統志在昌平州東七里東山口內

廣澗泉濯纓泉安泉

畿輔通志廣澗泉昌平州西北三十里濯纓泉州

西北三哩安泉州西南七哩三十里麟縣泉
馬跑泉一在昌黎州東北五里一在州治西南鎮邊
城

永清泉在居庸關東南隅

亂泉在州西南長城嶺下源多而極清

團泉在州城北五十里

馬眼泉在州治西南三十里泉似馬眼故名

黑山泉在州治北六十里爲黃花鎮之通衢山角如

列屏下有泉

白龍潭在龍嶺口內潭水鏡徹凌曉窺之隱有石門焉每逢亢旱禱雨輒應

青龍潭在老君堂西

紅沙潭在州城西三十九里

玉麟潭在州治西三十八里

樵兒澗在虎峪內二十里

白虎澗在州治西三十里

乾石澗在州治西二十五里

綠礮澗在州治西南

黑浙澗在州治西

石澗在州治西

八溝在州治西十五里

雙泉溝在明陵東井西

以上俱見昌平州志

紅澗溝

畿輔通志在昌平州龍虎臺西十二里

大峪山溝在昌平州明萬厯年開

七里渠在州治東南過沙河七里

麻子壩在州治東北五十里

石溜港在長峪城

李兒港在妙峯山庵

鹿角灣在州治西

以上俱見昌平州志

玉井灣

畿輔通志在七空橋東南崖

魯灘在州治東南三十六里

中灘在州治東南

白水窪在州治西南三十五里

泥窪在州治東二十五里

白草窪在州治北二十里

清平窪在州治東十五里

桃峪窪在州治西三十五里

歪嘴窪在舊縣西北

北邵窪在州治東八里

以上俱見昌平州志

九龍池

〔天府廣記〕紅門之西翠屏山下出泉九穴爲池名九龍 昌平山水記九龍池在昭陵西南於崖下

鑿石爲龍頭泉出其吻瀦而爲池

仙人池

畿輔通志在昌平州西駐蹕山在州西二十五里
〔天府廣記山高十餘丈西北袤二十里金章宗
遊此鑄駐蹕字

蓮池

畿輔通志在昌平州龍泉山甘露亭

魚池

畿輔通志在龍泉山觀音洞

常湧泉井在鎮邊城深二十丈

李公泉井在鎮邊城深十丈

福應泉井在鎮邊城深十八丈

清甘泉井在鎮邊城深十八丈

玉泉在明陵工部廠前卽玉井灣之源也

澗
漱玉井在州治西北三十四里明成祖北狩飲此今

奎聚井在州城東文昌祠左一名牛公甘泉今澗

古井在明陵工部廠左相傳爲金元舊井

以上俱見昌平州志

靈泉在宛平縣西北

帝京景物畧黑龍潭北十五里曰大覺寺宣德三年建寺故名靈泉宣宗易以今名金章宗西山八院寺其清水院也

珠浦港在通州

畿輔通志在州東北二十五里中產蓮藕蘋菱大

爲民利

隄防

永鎮隄

〔昌平州志〕在鎮邊城內及北門外一帶明嘉靖二十年巡關御史蕭祥曜修築以遏水患

〔謹案〕一統志作永渡隄疑州志爲是

東關西關

〔昌平州志〕在州治西南

〔謹案〕二關節宣南北二沙河之水

橋渡

青龍橋

二統志在延慶州東南三十里跨澗河 昌平州志在州治西南七十里明宣德年建

謹案青龍橋以南有小石橋十二座俱無名距上關北爲一橋遞北凡十二北接青龍橋

紅澗橋

昌平州志在龍虎臺西十二里

紅橋

昌平山水記州西南十二里有紅橋橋亡而名尚存元文宗爲燕帖木兒建祠立碑處也

謹案元史和尚傳天歷九年九月從擊犯紅橋之兵敗之奪紅橋燕帖木兒傳與王禪軍遇於榆河北奮擊敗之追至紅橋北今無考矣元黃潛有昌平縣石橋記橋爲縣尹畢文質所建未知是否

沙河北橋名朝宗橋高二丈三尺寬四丈三尺長一

百五丈

昌平州志朝宗橋在鞏華城北乃東西兩山口河水厯三十餘里會流於此方折而東故名明正統
年
建

沙河南橋名安濟橋高二丈寬四丈長七十七丈

昌平州志安濟橋在鞏華城二里許橋跨沙河明
正統十三年造

謹案昌平山水記二橋正統十三年命工部右侍

郎王永壽建

東石橋在鞏華城東乾隆十四年建高一丈寬一丈六尺長十五丈

謹案沙河南橋去馬房村橋三十里沙河北橋去東石橋五里自東石橋往南去馬房村二十六里四橋相連

香屯村石橋高八尺寬一丈長四丈五尺

湯山前小石橋高六尺寬八尺長二丈

永通橋

昌平州志在州治西南榆河上橋雖存而水不由

故道

史家橋在州城東二十五里

大通橋在鞏華城外東南

三水橋在州治西南四十五里

永安橋在州治南門外

迎恩橋在州治西北二十八里

五空橋七空橋在大紅門內

永福橋在州治西南三十五里榆河北

永寧橋在州治西十八里跨雙塔河上今廢

渡津橋在岫岫崖

謹案岫岫崖在昌平州治西北薊邱集昌平山水
記俱作溝溝帝京景物畧作岫岫蕭松錄厯徵明
人碑記以爲當從溝溝

登翠橋

畿輔通志在順義縣北門外

板橋

順義縣志在縣西北隅距治二十五里村東有河

南石槽木橋

鑿與行幸南石槽搭大橋一座

白浪河小橋寺兒上河小橋聶山營小橋

謹案三橋俱見順義縣志

廣濟橋

畿輔通志在順天府北三十里跨清河上明永樂
中建 昌平州志清河橋在州治南五十里橋跨
清河店分南北

謹案清河管黃港新堡村孫墩村葦溝小店村六
處俱有橋

雙橋在通州西十里與大興縣接界

龔翔麟潞沙筆綴雙橋在柳界之西通州大興界
也

西浮橋在通州北門外

謹案此卽明寶錄所謂富河橋也

修治

嘉慶八年

欽派大臣長麟戴均元挑濬溫榆河自工部稅局起至流水溝止分爲四段共五百四十丈挑深四尺五寸至四尺不等

倉場侍郎達慶鄒炳泰奏畧通州北門外舊有溫榆河一道貼近石壩樓前爲各省糧船起卸之所迤東又有潮白河一道卽係北運河上游查溫榆

河上游自乾隆三十八年山水漲發河形東徙與潮白河合流爲一下游遂致乾涸石壩起卸船糧全藉工部稅局地方以上所蓄倒漾之水以濟漕運是以最易停淤每歲興挑有增無減伏查溫榆河上游久無來源下游一帶自嘉慶六年大水以後潮白河之溜偏趨下游東岸其西岸僅存小溝二道水勢微弱力不足以刷沙遂致涸出岸灘逐漸淤塞臣等再四籌酌擬開引河一道或於石壩

小口對岸開挖計長三百零五丈則溫榆水有來源藉可疏淤或於工部稅局前對岸開挖計長一百四十丈舊係潮白溫榆兩河交匯之處雖不能刷溫榆之淤而直注藥王廟一帶亦於新淤處所洗刷有益懇請

欽派大臣勘驗相度情形擇定地方奏明動帑興工

欽派大臣長麟戴均元奏畧每年漕船抵通係潮白河駛入溫榆河直抵石壩樓前起卸計河長一千餘丈

南藉潮白河之水倒漾北藉臥虎橋之水南流兩

水頂阻積淤最易每年挑淤例准動用木稅項下

銀二千餘兩至三千一百兩不等錢糧少而河道

長僅能自石壩樓起挑至溫榆河中間之工部稅

局止其自工部稅局迤南尚有五百四十餘丈不

能挑挖日漸淤淺遂致漕船不能抵壩今議請於

石壩樓左近酌開引河一道東引潮白之水西入

溫榆於糧船抵壩較為便捷惟臣等測量水面溫

榆河高於潮白河三四五尺不等形勢高仰一開引河恐潮白之水不能逆流而溫榆之水轉先下洩溫榆之水既由新開引河直達潮白則舊有之溫榆河南北一千餘丈必致全行淤墊船不能通此一帶木廠稅局貨店商艘均多不便且大雨時行之際坡水壘注新開引河兩岸峙立土性浮鬆亦必致衝刷坍塌仍行淤塞將來亦不免於逐年挑淤歲增繁費臣等詳細討論悉心商酌與其新

開引河一經淤墊未必卽能利漕而先有礙於商課似不若卽將溫榆河淤墊處所除工部稅局以北舊有年例歲修仍照舊辦理外其稅局以南新淤五百四十丈卽遵

請動木稅項下逐加挑濬不過需費五千餘兩卽可一律寬深較之新開引河錢糧不致多糜且於漕船木廠稅局貨店商艘均有裨益

嘉慶十一年溫榆河下游濬廠以下東岸灘嘴上斜

挑引河一道長五十丈自流水溝至工部稅局舊淤
分爲三段共挑四百五十五丈加深三尺五寸至二
尺五寸不等

奏畧此河向無來源形勢淺狹惟與潮白河合流
全藉倒漾之水浮船濟運但水力綏弱沙入隋停
無從刷滌每年總不免淤塞自工部稅局至流水
溝一帶舊挑淤處五百四十丈今復淤淺再流水
溝以下東邊沖開岔河一道溜走東岸以致自流

卷之三十一

水溝以下至楊家垞地方又積新淤一百八十丈
共計新舊河淤統長七百二十丈若不及時挑挖
深暢恐來歲漕艘經行勢必淺阻遲誤計自工部
稅局起至流水溝尾止向分四段工長五百四十
丈現在水勢上三段探深二尺五六寸至一尺五
六寸不等面寬四丈餘尺至五六丈不等舊廠一
段探深三四尺面寬六七丈不等此屬舊淤實在
情形其流水溝以下至小神廟一帶因本年夏秋

疊次盛漲節節淤墊高露沙底所有潮白河溜均
從岔河傍走水勢散漫停沙更甚此屬新淤實在
情形誠恐來歲新漕正當春水清淺之際不能挽
運而秋後大幫雲集又值水落歸槽更慮淺阻自
當據實勘驗上緊挑修惟是酌看現在形勢上年
東嶽廟冲開岔河已經淤成平陸路遠灘厚礙難
再挑若挑流水溝以下新淤約有二百餘丈工段
綿長錢糧浩大且僅能駕駛吊載船隻其幫船仍

須停泊小神廟以下則吊載船剝運愈遠起卸愈遲非但耽延誤運一切起剝抗脚等費賠累倍增實屬無益請將流水溝以下新淤暫且毋庸議挑惟先就近在流水溝蘆廠以下東岸灘嘴上擬斜挑引河一道計長五十丈南口寬九丈北口寬七丈深八尺如此引入潮白河水灌注通流自能將剝運糧艘浮送抵壩而幫船併可直到河口起剝尤便地近工省至工部稅局到流水溝舊淤一段

長四百五十五丈擬分三段挑挖均寬七丈加深三尺五寸至二尺五寸不等

謹案溫榆河於乾隆五十五年機奏遇有淤積歸入北運河歲修案內辦理蓋指錢糧造報而言之至河道工段既隸此河則修治列於此河之下庶無混焉

祠廟

黑龍廟

延慶衛志衛西北七十里

龍泉庵在關南五里坡下乾隆二十年建

龍泉寺

繆泳黃圖雜記在昌平州芹城村龍潭之上本天祐舊剎尉馬都尉井源修之成化三年十月釋道深撰碑行湛立石

都龍王廟

〔昌平州志〕在龍泉山頂明洪武八年重修

龍王廟

〔昌平州志〕在獻陵衛東口

黑龍潭在龍王廟宛平縣畫眉山

〔帝京景物畧〕萬曆二十六年夏四月旱甚遣正一

嗣教張真人國祥禱於龍祠雨澤如期加護國碑

勤之嗣是早禱輒應凡立數碑 〔一統志〕黑龍潭

在宛平縣畫眉山上建龍王廟

本朝康熙五十年四月

聖祖祖禱雨於此甘霖立沛

賜御書喜雨二字後重建廟有

御製製碑記雍正三年重修亦有

御製碑文

水利

元太平莊屯田

元史食貨志初以永清等處田地低下遷昌平縣之太平莊泰定三年五月以太平莊乃世祖經行之地營盤所在春秋往來收放衛士頭匹不宜與漢軍立屯遂罷之止於舊立屯所耕作如故

明蓮塘水田

昌平州志在州治南三里八蜡廟前東西二水相

環俗呼雨水河旁植榆柳地多秔稻若水鄉焉明
兵備曹愈參增開蓮塘 一明主事劉文琦新建八
蜡廟開水田記畧北地故沙漠塲白壤而耕惟黍
稷來牟之類是菽是植不知稻田何狀間有源泉
障水種稻其中不什之一昌平枕關拱極地當孔
道南十里兩溪滙流周行爲沼李侯下車詢民疾
苦稅駕郊南謂茲地可以田請於上相地宜高下
築大道以通行放開阡陌以成田疇又引水順流

以資灌溉不數月闢田二百餘畝創議自李侯允
爲著道事張公今本道曹公張諱璞曹諱愈參李
諱逢春皆蜀產也 知州李逢春請墾昌平州水
田議畧照得本州演武場迤南一帶通行道路年
來被水湮淤泥深沒胛一切往來行人俱在兩旁
民地中踏躐本州經行隨令修築隨被水衝本地
流水活潑可以灌田而舊道淤污可以種稻若開
墾成田止就高處填築成道開成之田量以犂償

民地行者既不苦於泥濘居者又不患於侵害相
高下以幫培資水利以灌溉豈非興利除害之一
端再本州涼水河地方近道汙地先經前任知州
開墾成田見納租穀百石許今此道正與相連又
照磁州官道先年被水今改爲田汙邪十里捆載
滿車今此地正與相類若開墾成田給與附近居
民照界管種待成熟時驗其所入多寡收三分之
一以充公用行止兩便官民咸益再議看得墾田

墊道雖可以興利除害然坐派人夫於民間是未見其利先見其害也今酌量開墾修墊約用五千餘工人夫可百名每名日量給粟米一升二合以爲食另給錢五文以爲雇募自八月起至十月止一應詞訟如情節輕小者量罰米數斗或錢百文經交三義廟委官省祭王來詔收掌支給每日天明上工至晚而罷自九月二十六日起至十月三十日止教場以南約開田四十餘畝涼水河以南

約開田三十餘畝。冬月寒凍暫行停止。待春二月以後天氣漸暖始照舊興工。自教場起接連至頭舖止。可再用二十餘日。可得田二百畝。有零大約開墾之費在官不在民。開墾之利在一年二年之後更難責效於旦夕也。